

IMMIGRAZIOA. Lan Ordezkaritzaren aurrean bildu ziren etorkinek hamabost ordu inguru eman zituzten bertan

Kristina Berasain | IRUÑEA

«Atzo arratsaldean abiatu nintzen honat. Lagun batek esan zidan legeztatzeako paperak egiteko beste epe bat zabalduko zutela, eta horixe da nik egunduan ilusio handiena, paperak eskuratzea, alegia. Gau osoa eman dut hemen, eta goizean esan didate ez zela egia, susmo bat baino ez zela».

Bere izena eman nahi izan ez duen ekuadortar baten hitzak dira, bere egoera legeztatu gabe du. Berak bezala, ehunka etorkinek —300, Espainiako Gobernuak Nafarroan duen Ordezkaritzaren arabera— astelehenetik astearterako gaua kalean eman zuten, Nafarroako Lan Ordezkaritzak Zilbetiko monasterioa kalean duen egoitzan, hain zuzen ere. Etorkinen ilara Baionako etorbideraino ailegatzzen zen. Tenperatura zero azpikoa zen Iruñean, eta atzo goizaldean elur tanta batzuk ere izan ziren hiriburuan.

Etorkinek ilaran jarraitu zuten, susmoa gezurtatu zieten arren

«Ni goizean izan naiz bertan, eta behin eta berriro esaten nien alde egiteko, ez zutela ez paperik, ez ezer lortuko, baina han jarraitzen zuten, ez zuten joan nahi, badaezpada», aipatu zigun Esther Baztan ANAFE etorkinak artatzeko zerbitzuaren ordezkariek.

Badirudi bihar indarrean sartuko den Espainiako kode zibilararen artikuluen aldaketan dagoela zurrumurruaren jatorria. Aldaketa horren arabera, hemendik aitzina, jatorriz espainiar nazionalitatea duten etorkinen semeek eta ilobek ere espainiar nazionalitatea eskuratzen ahaliko dute. Kasu horretan, ilobek Espainian urtebete lanean daramatela frogatu beharko dute. Ustez, 650.000 etorkinentzat izango da onuragarria aldaketa hori Espainian.

«Bihar bertan sartuko da indarrean, eta azken egunotan informazioa agertu da prentsan. Nire ustez, hortik sortu da legeztatzeako epe horren susmoa», azaldu zuen Baztanek.

«Hain da handia beren egoera legeztatzeako duten premia, ezen edozer egiteko prest baitaude. Gau osoa ematen ahal dute karrikan, gero ezetza entzuteko», azpimarratzen zuen Esther Baztan ANAFEko kideak.

Susmoa berehala hedatu zen Iruñean eta Nafarroan

Legeztatzeako paperak eskuratzeako epea zabalduko zela berehala hedatu zen etorkinen artean. Nafarroako toki guztietatik bildu ziren Iruñera. Hainbatek beren lanak ere utzi zituz-

Ehunka etorkinek ilara egiten eman zuten atzoko gaua, Iruñean

Beren egoera legeztatzeako beste epe bat jarri zuten susmoak eragin zituen ilarak



JOXE LACALLE

Etorkinak, ilara egiten, Espainiako Gobernuak Nafarroan duen ordezkaritzaren aurrean, duela bi urte.

ESTHER BAZTAN

ANAFE etorkinak artatzeko zerbitzuaren ordezkaria

«Litekeena da susmo horren jatorria bihar indarrean sartuko den Espainiako Kode Zibilarren aldaketan egotea»

ZURRUMURRUA

Etorkin batzuek baimena eskatu zuten lanean, ilaran egon ahal izateko, lan hobe lortzeko itxaropenarekin

ten atzo goizean ilaran egon ahal izateko. «Nik baimena eskatu nuen hemen egon ahal izateko», aipatzen zuen Lizarratik etorritako emakume batek. «Paperak eskuratuz gero beste lan hobeago bat lortuko dudala uste dut», gaineratzen zuen.

Espainiako Gobernuak Nafarroan duen Ordezkaritzak aurtengo etorkinak legeztatzeako kupo bat dagoela gogora-

ETORKINEN KOPURUA

26.449 etorkin

Nafarroan gaur egun 26.449 etorkin daude, eta horietatik erdiak baino gehiago bizi dira lege kanpo; 15.310 etorkin, hain zuzen. Azken urteotan etengabe handitu da etorkinen kopurua: 2002. urteko ilbeltzean 20.497 etorkin zenbatu zituzten, eta 2001. urteko martxoan, berriz, 13.379. Beraz, aurtengo 6.000 etorkin etorri dira gurerara.

Datuok banakako osasun txartela egiteko jaso dituzten eskarrietatik ateratzen ditu urtero Nafarroako Osasun Sailak. Santiago Cervera sailburuaren esanetan, «datuok oso fidagarriak dira, etorkinek berehala baliatzen baitute osasun zerbitzuak erabiltzeko duten eskubidea». ANAFEko ordezkaria Esther Baztanen iritziz, ordea, datuak ez dira oso errealak izaten. «Ez dakigu kopuru horietan Europako Batasuneko

etorkinak aintzat hartzen dituzten; hau da, ez dakigu Frantziako pertsona bat etorkin gisa zenbatzen duten edo ez», zehaztu zuen. Ildo horretatik, lege kanpo dauden etorkinen kopurua zehaztea oso zaila dela azpimarratu zuen. «Ez dakigu lege kanpo dauden etorkinetatik zenbatek eskatu duten osasun txartela».

Etorkinen kopurua gora doa etengabe, baina, antza, zertxobait moteldu da. «Azkeneko urteotan, biderkatu egin da kopurua urtetik urtera; azken hilabeteotan, aldiz, moteltzen ari da immigrazioa, eta etortzen diren askok familia edo ezagunak dituzte hemen».

Datuon arabera eta etorkinen sorburuari erreparatuz gero, egun Nafarroan dauden etorkinen % 30,18 Ekuadortik datoz, %14,87 Kolonbiatik eta %8,28 Marokotik. Gizonezkoek etorkin guztien % 52,5 osatzen dute, eta erdiek baino gehiagok 25 eta 44 urte bitarteko adina dute.

razi zion EUSKALDUNON EGUNKARIARI. «Legeztatzeako prozedura ere iazko bera da; hau da, jatorrizko herrialdeetan lan baimena lortzen duten etorkinek baino ezingo dute etorri», zehaztu zuen prentsa bulegoko ordezkariek.

Espainiako Gobernuaren Nafarroako Ordezkaritzan ez zekiten zergatik sortu zen legeztatzeako azken epe horren sus-

moa. «Gu gara harritu garen lehenak. Ez genuen espero, eta ez dakigu non egon daitekeen susmo honen jatorria», aipatzen zuten. «Dena den, badirudi urte berriarekin gisa horretako susmoak zabaltzen direla, eta aurreko urteetan ere izan dira horrelako gertaerak».

Lan Ordezkaritzako langileak goizean goizetik aritu ziren etorkinei azalpenak ematen, ez

zela zabalduko etorkinek beren egoera legeztatzeako beste epeirik esaten zieten. Goizeko hamarretan, papertxo batean ipini zuten atarian. Hala ere, batzuek goiz osoa eman zuten kalean, zain. «Gu taxiz etorri gara gaur goizean, berria entzun eta segituan abiatu gara. Ezertarako. 1.000 euro kostatu zaigu bidaia», aipatzen zuten hiru neskak etsita.